

SECZIUN PÉZ AULT

PROTOCOL DALLA RADUNONZA DA SECZIUN

DILS 26-04-2025 ALLAS 20.00 URAS

EL STAN DA SITTAR A VELLA





Tractandas:

1. Beinvegni
 2. Elecziun dils dumbravuschs
 3. Discussiun e decisiun pertuccont las propostas per mauns dalla radunonza da delegai dall'uniun cantunala grischuna da catschadurs da patentia (BKPJV) dils 10-5-2025 a Breil
 4. Discussiun e decisiun per cumprar vitier librocs, giaccas e niev T-Shirt
 5. Informaziuns pertuccont di dallas selvaschina ed uaul
 6. Informaziun dil survigilader da catscha Arnold Caminada pertuccont la dumbraziun da selvaschinas
 7. Varia
-



1. Beinvegni

Il president Martin Mark arva la raduonza dalla secziun allas 20.00 uras e fa a tuts in cordial beinvegni. In special beinvegni als survigiladers da catscha Arnold Caminada e Pirmina Caminada. Vinavon seperstgisa el che l'invitaziun ei vegnida tarmess tier plitost a cuorta vesta.

Las tractandas vegnan approbadas tenor l'invitaziun.

Presents: 22 personas

Perstgisas: Ronnie Caminada, Anton Casanova, Clotilda Caviezel, Selina Camenisch, Luca Casanova, Sven Cadonau

2. Elecziun dils dumbravuschs

Sco dumbravuschs vegn Claudio Weishaupt elegius.

3. Discussiun e decisiun pertuccont las propostas per mauns dalla radunonza da delegai dall'Uniun cantunala grischuna da catschadurs da patentia (BKPJV) dils 10-05-2025 a Breil

La radunonza da delegai dall'Uniun cantunala grischuna da catschadurs da patentia (BKPJV) ha liug ils 10-05-2025 a Breil. Noss'uniun ha dabien 4 vuschs da delegai a quella radunonza.

Las propostas ch'ei vegnidas inoltradas per mauns dalla radunonza da delegai ein stadas publicadas el Catschadur Grischun dil meins avrel.

Mintga commember ha giu la pusseivladad da s'occupar cun quei tema e da far ses agens patratgs davart las propostas.

Propostas e decisiun dalla radunonza:

- Credit secretariat		gie
unanim gie	0 vuschs na	
- Temps catsch'aulta 2026		variante 1
22 vuschs variante 1	0 vuschs variante 2	
-Approbaziun protocol, president da tgira, president KoAWJ, capotiradur		gie
unanim gie	0 vuschs na	
- Proposta dalla secziun Ausserheizenberg e Raschil		gie
unanim gie	0 vuschs na	
- Proposta dalla secziun Versam		gie
-Il district ed il ZV ein buca dil meini da sustener quella proposta. La suprastanza a discutau giudlunder dad denton buca giu in meini		
12 vuschs gie	5 vuschs na	
- Elecziuns		gie
unanim gie	0 vuschs na	



4. Discussiun e decisiun per cumprar vitier librocs, giaccas e niev T-Shirt

Ei ha dau novs commembers e commembras che havessen era bugen in libroc ni ina giacca. Cunquei ch'igl uorden ch'ei dentuorn ha buca la dretga grondezia fuss ei d'empustar suenter. La secziun surprinda la medema summa sco la davosa ga, la differenza va a cuost dalla persuna che cumpra. La secziun ha giu pagau 40.-francs per commember e commembra.

Ei vegn votau giu unanimamein cun in gie. Martin Capaul fa denton la proposta da migliurar il logo.

Il president Martin Mark ha priu encunter la proposta e sclarescha giu quei.

Pil di dalla selvaschina ed igl uaul fagess la suprastanza ed il comité bugen in T-Shirt, cunquei che sperein che l'aura fa cun. Nus havein schau far in'offerta. Sche prendein 20 tocs cuosta in 25.-francs. Per 50 tocs aunc 17.20.- francs per toc senza Mwst.

Ei vegn votau giu unanimamein per scha far T-Shirts.

La suprastanza propona da scha far quels T-Shirts ed ha duas variantas.

Varianta 1:

- La secziun paga 1 T-Shirt per persuna. Sche enzatgi vul daplirs sto ella pagar sez ils ulterius.

Varianta 2:

- La secziun surprinda 10.- francs per persuna emporta bu con biars ch'ella pren

La suprastanza ha discutau quei ed propona **varianta 1**.

Ils presents han votau giu unanimein cun in gie e van d'accort cun quella proposta.

5. Informaziuns pertuccont di dalla selvaschina ed igl uaul

Il comité d'organisaziun per quei di secumpogna dalla suprastanza, Marius Hublard e Claudio Weishaupt. Nus havein elegiu Marius sco president dil comité d'organisaziun. Dapli informaziuns pertuccont quei gi suonden da Marius.



6. Informaziuns dil survigilader da catscha Arnold Caminada pertuccont la dumbraziun da selvaschinas

Martin Mark surdat il plaid ad Arnold Caminada.

Arnold Caminada informescha davart ils suandonts puncts:

- Dumbraziuns 2025
- Animals scarponts
- Selvaschinas marcadas e lur viadis
- Diembers da selvaschinas sittadas els different vitgs

Il president engrazia per quellas explicaziuns interessantas.

Arnold Caminada retscheiva in applaus dils presents.

7. Varia

Cun la nova Jagdverordnung dat ei entginas midadas.

- Ina midada ei sch'ins va buca cun in tgaun ad encurir in animal blessau. Quei vegn castigiau cun in castitg entochen 20'000.- francs
- In'autra midada ei il Schalldämpfer. Quel ei niev dapi quei onn era lubius per la catscha grischuna. Denton ston ins haver ina lubientscha e quella ston ins adina haver cun durant il temps da catscha.
- Quei onn san ins niev era purtar en las selvaschinas sittadas sin in app. Quei ei denton voluntari.
- Sco informau el chat fagein nus ils 2 da matg ina sera d'informaziun pertuccont salvament da anseuls cavriel pils purs. Fagess grond plascher dad era veser da nossas fatschas quella sera.
- Ei vegn giavischau da far la tscheina da catschadurs schon il november. Quei vegn notau e mez sin tractanda per la radunonza generala.

Il president Martin Mark engrazia a tuts presents e terminescha la radunonza allas 21:13 uras.

Vignogn, ils 28 d'avrel 2025

Igl actuar

Luca Casanova